

## **ORDENANZA FISCAL N.º 16, REGULADORA DA TAXA POR OCUPACION PRIVATIVA DE LOCAIS MUNICIPAIS .**

Art. 1.º. Fundamento e natureza.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 abril, reguladora das Bases de Réxime Local e de conformidade co disposto no artigo 20 do Real Decreto Legislativo 2/2004, de 5 de marzo, por lo que se aproba o texto refundido da Lei Reguladora das Facendas Locais, acórdase a imposición e ordenación da taxa por utilización privativa de locais pertencentes ao dominio público local e de postos no mercado municipal de abastos.

Art. 2.º. Feito imponible.

Constitúe o feito imponible da taxa a utilización privativa –baixo o réxime de autorización ou licenza demanial- de locais de titularidade municipal pertencentes ao dominio público local para o desenvolvemento de una actividade económica de mercado.

Considérase actividade económica de mercado toda actividade comercial ou profesional consistente na prestación de servizos ou subministración a cambio de unha retribución económica.

Non estará suxeita á presente ordenanza a utilización privativa do dominio público local para a realización de actividades económicas por duración inferior a un mes, que se autoricen por mor dunha festividade ou evento cultural ou social determinado.

Dentro do feito imponible se entenderá incluída, en todo caso, a ocupación das instalacións e bens destinados ó servizo de mercado municipal, con independencia da natureza do título habilitante para a súa ocupación.

Art. 3.º. Suxeitos pasivos.

1. Son suxeitos pasivos contribuíntes as persoas físicas ou xurídicas e as entidades as que se refire o artigo 35.4 da Lei Xeral Tributaria, que utilicen os bens e instalacións.

Art. 4.º. Responsables.

1. Responderán solidariamente das obrigas tributarias do suxeito pasivo as persoas físicas ou xurídicas ás que se refire o artigo 42 da Lei Xeral Tributaria.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei Xeral Tributaria.

Art. 5.º. Cota tributaria.

### CATEGORÍA I – Locais municipais

Locais con acceso directo dende a vía pública: .....3,5 €/mes/m<sup>2</sup>  
Locais sen acceso directo dende a vía pública: .....2,5 €/mes/m<sup>2</sup>.

### CATEGORÍA II – Establecementos na vía pública

Quioscos..... 50 /mes.

### CATEGORÍA III – Mercado municipal

Grupo A). Carnicería, chacinarías e similares:  
Postos nº 1, 2 e 3..... 94,41 €/mes.  
Grupo B). Pescaderías, conxelados e mariscos:  
Postos nº 1, e 2..... 62,94 €/mes.  
Grupo C) .Froiterías.:  
Postos nº 1 e 2 ..... 62,94 € /mes.  
Grupo D). Postos dispoñibles sen uso preferente nin predeterminado:  
Locais comerciais nº 1, 2, 3, 4, 5, 6, 7 e 8 ..... 100 €/mes.  
Local libre nº 1: (antiga inspección veterinaria)..... 39,00 €/mes.

Art. 6º. Actividades artesanais.

A cota tributaria establecida na Categoría I reducirase nun 80% no suposto de que os locais de titularidade municipal sexan destinados ao seu uso como talleres de artesanía, nos termos expresados no artigo 2.3 da Lei 1/1992, de artesanía de Galicia.

solicitante deberá ter a condición de artesán ou mestre artesán.

A condición de artesán ou mestre artesán acreditarase mediante a posición da carta prevista na Lei 1/1992, de artesanía de Galicia.

Art. 7º. Devengo.

A obriga de contribuír nace desde que teña lugar a correspondente concesión de local. Os dereitos de ocupación abonaranse mensualmente, polos concesionarios.

Art. 8º. Actualización de cotas.

As cotas anteriormente sinaladas serán obxecto de actualización periódica anual de acordo coa evolución do índice de prezos ó consumo.

Art. 9º. Infraccións e sancións.

Nesta materia estarase o disposto na Lei Xeral Tributaria e normativa de desenvolvemento.

Os dereitos devengados non aboados, ademais de ser esixidos por vía de constrinximento, poderán levar a revogación da autorización de uso do local ou posto e incluso a clausura do mesmo, coa perda de tódolos dereitos que poida ter o titular.

DISPOSICION DERROGATORIA

Queda derrogada a ordenanza fiscal reguladora da taxa por ocupación de postos do mercado de abastos, aprobada en pleno de 25 de novembro de 2016, publicada definitivamente no B.O.P. nº 058 de 11/03/2017.

Dilixencia.- Para facer constar que a presente ordenanza foi modificada no Pleno da Corporación, en sesión ordinaria de 28 de setembro de 2019, (publicada aprobación inicial no BOP nº 252 de 03/11/2018), aprobada definitivamente e publicada no B.O.P. nº 014 de 17/01/2019.